

# Tarea pa realisá



## Avantia Damberg

**Tarea 1:** Bai mira den sala di espera na Kranshi (Roodeweg 42), ei tin un *Map of Curaçao* kologá, obra di Damberg. Skibi e diferensianan i e semehansanan ku e mapa di Kòrsou na Blue Bay.

## Hortence Brouwn

**Tarea 2:** Den hardin di Het Curaçaosch Museum (Van Leeuwenhoekstraat s/n) tin obra di Brouwn. Bo ta mira kua nan ta? Kiko nan ta representá?

**Tarea 3:** *Big Mama*-nan di Hortence Brouwn bo ta topa entre otro den e patio di Kura Hulanda (Klipstraat), na Riffort (Gouverneur van Slobbeweg) i na e bar di Avila Beach Hotel (Penstraat 130). Saka un portrèt di un obra asina i skibi e semehansanan i e diferensianan ku e imágen na Blue Bay.

## Ellen Spijkstra

**Tarea 4:** Na MCB-bank na Rooi Catootje, Schottegatweg-Oost tin un enorme obra di arte di Spijkstra banda di e left, titulá *Gateway to a Gateway*. Deskribí e obra akí i splika e título.



## Omar Sling

Den kuadro di e promé sentenario di banko, gerensia di Maduro & Curiel's bank (MCB) a disidí di duna un toke alegre na e plenchi dilanti di banko 'Plaza Jojo Correa' poniendo ei un obra di arte, ku hende lo gusta pa traha sèlfi ku tal obra nan tras.

**Tarea 5:** Saka un sèlfi ku e obra di arte akí.

## Brigitte Wawoe

**Tarea 6:** Riba tereno di Banko Sentral di Kòrsou i Sint Maarten (Simón Bolívar Plein 1) tin un pieda enorme ku un figura di bròns sintá. Ken e figura akí ta representá?

## Yubi Kirindongo

**Tarea 7:** Bishitá tayer di Yubi Kirindongo (Kaya Reis 390).  
Mira e site: <<https://yubikirindongo.org/museum/>>  
Bo mes pensa un manera ku por mostra ku bo tabata aki.

## Marlies Schoenmakers

**Tarea 8:** Bai Hotel Renaissance na Riffort (Baden Powellweg 1). Drenta e hotèl. Kiko Schoenmakers a traha riba e sitio kaminda ta risibí wéspet? Ki título lo bo duna e obra akí?

## Giovanni Abath

**Tarea 9:** Bai Brionplein, ei bo a mira un obra di arte 'Historia den Moveshon', ku e pareha real hulandes a inougurá riba dia ku Kòrsou ta selebrá 'Dia di Bandera'.



Na man robes bo ta mira algun parti di e obra. Skèch kon e konstrukshon di Abath ta.



Tur aña Abath ta traha dekorashon pa Pasku i el a traha obra di arte na diverso rotònde na e isla akí. Bo a yega di mira e obra akibou?

Unda e ta situá?

## Bernadetta van Eps

**Tarea 10:** Obra di glas di e artista akí bo tamira entre otro na Restaurant de Heeren (Zuikertuintjeweg), na MCB bank (Plaza Jojo Correa) i na Optica Kywi (Fokkerweg 44). Bai bishitá un di e sitionan akí i deskribí loke bo ta mira.

## Herman van Bergen

**Tarea 11:** Bai Landhuis Bloemhof (Santa Rosaweg) i bishitá e *Katedral di Sumpiña*, ku Herman van Bergen a diseñá i realisá. Deskribí tan presis posibel loke bo ta mira.

**Tarea 12:** Tin un ekshibishon den e lánthùis? Ki sorto di ekshibishon esei ta? Saka un portrèt di un obra di arte ku lo bo tin gana di tin.